

東明縣新誌卷之首

東明縣新誌序

東明舊有志自清乾隆丙子重修後閱百數十年迄無繼作者宣統辛亥邑孝廉李曾裕起而修之名曰志續別於前志自爲一書其紀載亦僅及前志所遺暨以後之事而于前志已載者忽及焉設前志散佚則東明故實亡矣危固未有甚於此者余壬申夏來守是邦檢閱前志及李修志續以爲非例也宜重修之因集實僚籌商聘長垣魏子虎君主其事子虎博雅士固籍東明而遷居長垣者東明故實亦多習聞語以余意子虎然之因取法鹽山志舊制新事銘治一鑑分類紀載詳而不遺計分綱五目目二二名爲新志志成請余言爲序余因曰嗚呼著史亦難矣無博古通今之學不能匯萃精華無昨史枕經之才不能聯貫經絡遷史班書尙矣范曄之後漢書猶不免貽譏疏陋他可知矣志爲一邑之史具體雖微而訂例不能不嚴採事不可不慎陞清獻靈壽志世鈔傳本殘探不易章實齊永清志余曾披讀體例之精嚴紀載之詳慎秉筆如斧鉞

東明縣誌

卷之首 序

立論如建電宜其爲志乘之範也最近如賈佩卿鹽山志儼然一家言取法似史漢而落筆仍爲桐城畫佩卿爲蓮池入室弟子學有淵源自非凡筆所可比擬故鹽山志實爲必傳之作亦即可以繼範志乘者也子虎既力贊余說又主取法鹽山採刪之事問書請決於余而子虎固專筆政之勞者也佐其事者李子淵李宜亭胡宗周孟振亞皆斯邦一時俊彥之士余與李擬吾鐸錫九穆子丹亦時參末議但斯役之意要不外重事實慎採刪革新舊銘體爲東明成一紀實傳信之志乘而已新志既成其前志並李君志續仍存之與新舊唐書殆相髣髴至本縣輿地之重要及人物古蹟諸事前賢舊序紀之甚詳余不再贅僅述新志之由來及余與諸君子審慎之苦衷即以爲新志之序云爾東明縣縣長豐城瑞存任傳漢序

中華民國二十二年七月

東明縣新誌序

邑之有志也猶國之有史也史宜詳明志亦如之民國肇造迄今二十有二年國體之變更改制之改革均爲前朝所無邑志之修更難容緩上年豐城任公瑞存來宰吾邦治政之餘諮詢黨政同人公主重修以是設會從事聘長垣魏君子虎爲總纂公推李子淵胡宗周李宜亭孟振亞四君任分纂凡舊志已載新制未入者網羅鉅治釐爲一鑑綱舉目張燦然如列歷時四月而新志告成余忝爲副會長例得述言弁首因陳緣起卽爲序言至如吾東邑志之沿革新志之由來與夫總分纂諸君學識才能已詳任公序中茲故不贅云爾東明縣黨部執行委員兼修誌委員會副委員長李愛東序

中華民國二十二年七月

東明縣誌

卷之首 序

東明縣新志序

余以博材長教本邑每念一邑之文化與一邑之掌故最有關係良以徵文考獻苦無全書斯與學育才難集善政志書一端為教育中事之尤當汲汲者也邑志自清乾隆以後迄無續修善本近雖有李君敦伯續志各稿然與前書各自為卷且民國新稿尙藏之篋簡未付梓人客歲教局奉到組織文獻委員會之檄即擬廣延學博實行從事適豐城任公適存縣長蒞東究心史學殫精文獻慨邑志之有待纂輯毅然以籌款集材為己任癸酉三月乃組織修志委員會余以忝司教育得濫竽副長之責延請長垣名宿穆子範君為總纂以胡孟季李諸君為編輯酌古準今合新舊為一書體例簡括徵集宏富邑志得此自無抱殘守缺之憾余謂縣有志猶國有史一代之史必得其人而成之一邑之志亦必待其人而成之不遇其人焉缺焉耳如史記之創自馬遷厥後漢書則出之班固以及南史北史之有沈約李延壽諸公皆係一代之才成一代之書志之修又何獨不然是役也主其事者任公集其成者穆君余雖承事奔走一無佐助

東明縣誌

卷之首 序

三

愧其職之負而喜其書之成不可無一言以誌慚慙也遂書之以繼諸君之後東明教育局長兼修志委員會副委員長錫九經五福題於修志委員會

民國二十二年七月

重修東明縣誌序

縣誌為一邑文獻之徵凡山川城郭職官人物賢風俗錢穀之事紀載詳典至鉅也考東明地鄰豫魯控帶黃流古稱天雄之屬邑今作河北之邊疆舊有縣志續修於前清乾隆丙子至今百餘年間地理之沿革建置之興廢以迄忠孝節義之人物田賦徭役之增減闕然未備幾何不湮沒弗彰也豐城任公來長斯邑期年之間百廢俱興政績優良堪媲美古循吏之選爰奉上帝命集賢創設修志局取舊誌而從新之延請碩學名流網羅採訪編纂刪訂公一以身兼其事閱四月而全書告成古蹟軼事制度文章燦然大備覽斯誌者可以示勸戒廣見聞見政治之得失驗風俗之盛衰傳之永久而無敝豈獨以文字擅長哉任公以上考擢升大邑予承其乏接幹之際殷以序文見屬辭不獲已聊以譚陋無文之筆紀其始末云爾 知東明縣事遼寧信綱序

時在共和二十二年夏月

東明縣誌

卷之首 序

四

東明縣新誌序

民國二十二年夏正月余奉東明縣長豐城 任公璠存約修邑誌謝不敏弗獲既思先世漆人也義不容固辭乃抵東明得晤 任公及子役李宜亭李子淵孟振亞胡宗周諸君子籌商誌事連夕 任公出世所藏鹽山新誌見示且曰此桐城宗派賈佩卿先生作也出世未幾海內爭膺矢焉吾誌易取法乎余與諸君子締繹至再亦衷心折僉應諾遂分大綱爲五而名曰新誌誌在神州唐虞間區爲十二禹平水土省三爲九濟河惟克豫壤大錯東明古漆園也實占二州之域黃流所經遷徙靡常或併或設易凡四五而當南北衝綰兩河數人文蔚起名蹟斯多厥土赤墀黍稷油然惟地載物非物何國故首誌輿地建朔頒歷政布集魏秦蒐夏苗國有常經豈乎三王尙已莫舉秦漢而降罷侯置守歲年六合方制萬里考土貢都鄙既章按方納物賦役有等官貳率于職方黜陟屬之文選三司一條代有變更租庸鹽鐵時爲分合數千年史與志兩發之而兩盡之矣清社既屋民國方始凡百經緯有異前修雖天下爲公尼父言驗而

東明縣誌

卷之首

序

五

賢能輩起令甲實繁殷因于夏損益攸關周雖舊邦其命維新故次志經制國以衛民才以治國立賢無方自古已然兩漢選舉魏晉薦辟唐宋科舉明清繼之東明野分東壁代鍾瑚璉風會雲蒸助銘鐘鼎騰揚虎變烈著旆常寶劍買憤循良績選砥足刺鼻貞孝堪式莊叟逝矣感歌多士二賢菑焉文誄紛如洵漸于陸羽用爲儀拔茅連茹以彙征吉故次志文獻爲疾用舒曾子垂訓民生在勤左氏所稱東明孤懸河表三蠶是虞值茲鼎革之際遂爲剝復之機六府不修徒事會斂杆軸既空荏苒滋熾生計維艱哀鴻遍野金融孔急賤夫罔利五教沓來四索莫講譬彼中流罔知所屆民亦勞止乞可小康故次志民生觀風問俗輪軒使過樽俎折衝儒者之責師旅雲屯敵賦悉索災荒頻仍大號間渙鑠然金石道里相望渺焉鬼神父老流傳周襄庚午齊會葵邱民初庚午晉師下齊玉帛干戈此地均屬樞紐四四甲子大事須紀前型可師殷鑒不遠徵人徵鬼酌兩用中故終志故實不特此也東明在宋以前所治卽今蘭陽儀封金以後始徙此乃唐宋宛句南華故地也異地同名異名同地考其時論其事兩無可依附者

須兩收之且志雖爲史餘不過史中通考一統志之一體耳晦而顯微而辨婉而成章之道雖與諸君子折肱折臂究愧未能故每脫稿之餘咸取裁于縣長 任公 公江右名士才擅歐黃者也往往一字一事之斧政全軼爲改觀焉先是東明故有志創修明嘉靖間近年續者爲李敦伯孝廉曾裕 先大夫夙好也今爲新志幸免續紹譏矣所恐訛訛誤亥豕混以負 任公及鄉士大夫託者更不免鹽山賈子之一笑也今已蒞役將付剞劂氏爰以經過者而爲之序云長垣紫塢穆祥仲序

民國二十二年七月

東明縣誌

卷之首

序

六

東明縣新誌序

邑誌創修於明之嘉靖猶略繼成於清之康熙乾隆始詳其後直泊光緒之末中歷一百五十年楚黃周侯仲軒蒞東始督饒邑孝廉敦伯李君乃有廣修之事然舊成兩卷儲爲家本並未付梓迄民國改元百度維新修志之令迭奉 省檄十三年甲子王公健年薛公鳳鳴長東明先後提議設局纂修仍以孝廉總其事冀以舊志新編分集爲書期速厥成事竣後得新志四卷仍未付印僅將前兩卷登刊與舊志聯合爲書而新志終有殘缺之虞近以國史特纂文獻組會屢奉通令前歲辛未 省令復有徵集志料之舉時值縣長張公以誼在同學函邀以 纂資草草成帙增補劣無補採擇壬申豐城 任公璠存宰東究心事故乃惕然於邑志之缺略 任公史學夙擅文章巨手思將新舊溝通仿一統之例彙爲善本遂集議籌款求才立會特延蒲邑碩學穆君子麓總其事而以李胡孟諸君與 供其分輯穆君又鴻博士雄文大家也惟參考近志體例如張容坡之滄縣志張子銘之獻縣志賈佩卿之鹽山志皆體例肅括蔚然

東明縣誌

卷之首 序

七一

特出成爲一家通志局會稱爲可奉圭臬者也三志門目相同惟前誌多民生一目終取材治志以提綱而挈領焉斯又後起之武功朝邑靈壽諸志之各自鼎峙說江文通曰作史莫難於志誠以國有史復有誌而縣僅有誌者若府皆有誌而恆略於縣好古者欲稽一邑之故實舍此無徵縣誌不藉重說況自清季變法民國革命凡百制度維新是圖此時搜羅編輯舊者宜相承而亦有變遷新者宜起例而尙非定制因與創均莫乎其難也賴穆君宏通淹雅字櫛句梳鉅籍一歸至當越四月而事竣從此邑誌有統一之書矣 亦從事斯役之一人喜其書之成遂述顛末於右分纂野園李振遠敘於東明修志會

民國二十二年癸酉七月

東明縣新志序

國史家譜郡縣志固相需相輔也然驟觀之三而一細繹之一而三而農王于言之詳且盡矣余今特爲廣日提綱挈領按世編年是相似也若嚴褒貶若重統系若嚴紀實是不同也數家譜系藉表列卿如歐陽公新唐書長孫無忌傳是一方輿地證明山川如姚郎中九江廬江兩郡存廢考是此乃相似不同外而固相需相輔也諸乎此則于三者之道思過半矣吾明故有志創自明嘉靖間迄清乾隆丙子續修者六迨後河決兵燹缺有間幾百六十年民國以來李敦伯孝廉曾裕會兩續先正鉅製良不可誣所惜各自爲體耳壬申夏豐城 任公璠存來宰是邦任公江右名下文章政事追慕廬陵者也文獻掌故下車後即孜孜焉謀詢弗少懈亟擬重修邑志以收一條鞭之効余與黨部委員李君癡吾教育局長穆君錫九等亦深爲然于是公推長垣穆君子麓總其事余與李子灝胡宗周孟振亞得任分編案末議子麓余夙好其先世本漆人乃明鄉賢侍郎文熙裔淵源有自且素喜歐陽少師姚郎中者余知或可勝任愉快不覆我

東明縣誌

卷之首 序

八一

韓也及子麓來東以余介謁 任公並晤子灝諸君案籌連日復三接始定議一體新修援賈佩卿先生鹽山志例列綱爲五曰輿地曰文獻曰民生曰故實屬之以目分目爲二十二隸之以節節凡六十有三余不敏任民生志生計生活兩目子灝任經制志建置設官賦役故實志典禮共四目宗周任故實誌災荒一目振亞任經制誌黨政輿地志物產共兩目餘皆子麓自任之余等脫稿咸取裁于子麓子麓修政後更一一求斧于縣長任公字銘鉅籍千片語雙辭之易全卷爲壯觀焉迄今四閱月而事竣將付梓余乃始終其事且佩任公及子麓素慕歐陽少師姚郎中明于史譜誌之體裁一而三三而一相需相輔之道必可振然一樹赤幟也是以忘譴陋而爲之序云東明縣第三區區長兼分纂宜亭李全義序

民國二十二年七月

東明縣新誌序

誌猶史也。譜猶誌也。然而究各有體裁。各不同概論之。差毫釐謬千里矣。吾邑地介兗豫。野分東望。金以前爲今。蘭陽儀封地而今之所治。乃唐宋宛句南華也。于兩無可依附者。須兩收故較他郡縣誌爲尤難。王申夏豐城任公。瑛存來宰是邦。關心文獻。翻閱舊誌以爲非體之正也。商諸紳耆。曰：新修之便。於是推長垣穆君子茂爲總纂。邑人李子灝孟振亞李宜亭胡宗周諸君任分纂。余亦譚充辦。參末議。子茂余族弟也。雖遷垣已久。而漆上之故實。稔夙且能讀先少司農祖之書者。故於推定之後。余已預知或可游刃有餘也。迨子茂來東。與任公及余等一體新修之議。竟不謀而同。乃援鹽山志例。分大綱爲五。而名之曰：東明縣新志。四閱月。全書告成。今既付剞劂。余亦於役之一也。例爲言以弁其端。嗚呼。齊會葵邱。衣裳盛舉。晉盟平邱。宗邦竟貳。姬周之興衰。華夷之消長。可誌也。始皇東遊。霧大率雖博浪之椎。未中而沙邱之詔。遂燬。嬴秦之強於焉以亡。可誌也。新莽篡竊。自比周公。以爲天下磐石矣。而炎祚中興。實鍾斯土。延緒

東明縣誌

卷之首序

二百爲漢世祖伯喈碑銘。膾炙古今。可志也。太原公子義起。晉陽英公佐命。圖畫凌煙。迨夫土運既衰。集也突起。李氏剝復之機。而最爾之封賞。爲關鍵可志也。完顏氏牧馬南下。河朔各郡望風迎降。獨宋晟以七品學。綬柱支五年。以尼嗎哈之強悍。談虎變色。可誌也。劉桓公吳季英。董君衣范。陸亭之循良。陳戶牖兩虞氏。張中令之相業。卜望之石拱辰之節烈。先司農公袁鴻博。韓軒之文章。外黃徐子外黃舍人兒外黃徵君。申屠轡之明智。潘定更可志也。余閱全書。益知子茂及李孟李胡諸君子。能盡力於是。而更私喜我言之不誣也。至於輿地之廣狹。故實之雜列。民生之要素。文獻之徵攷。更屬振筆直書。如列家珍。而數庭樹。則既毫釐之不爽。更何千里之謬之是虞哉。余職爲幫辦。且喜吾縣志之一統。而吾家學之尚未墜也。故不揣鄙俚。而爲之序。焉。東明第二區區長穆蔭楓序

民國二十二年十月

東明縣新誌凡例

- 一本志體例仿鹽山志分五綱。曰：輿地。曰：經制。曰：文獻。曰：民生。曰：故實。因綱附目。以類而列。詳載目錄。茲不贅。
- 一本縣在宋以前。卽今蘭陽儀封。金以後。遷徙于此。乃兩漢外黃。濟陽。唐宋宛句。南華。故地也。故誌中。于人物傳在宋以前。則兩收之。于輿地。則專志現在。
- 一志內無論循良。鄉賢等傳。凡關應書名姓之處。援史志例。均直書其名。不爲諱避。
- 一凡五綱之首。均爲志序。曰：作某志。各目之首。亦均爲序。曰：作某考。通書一體例。探明紀。
- 一賦役。雖迭有變更。然民政最要。故于設治之後。所有沿革。均仍舊貫。不敢刪損。俾窺全豹。
- 一文獻志。職官目內之封贈表。孝紳表。兩節封贈。起自兩漢。荐紳則斷自金元。以志嚴實。而免複見。

東明縣誌

卷之首

九一

- 一鄉賢循良等傳。非身後者。不錄。惟列女節孝。兩途如守節在三十年以上。或孝順爲衆人所共見者。雖存亦錄。既戒詭諛。且悲荒獨。
- 一藝文舊志。向無制誥一門。今特列入。其原定之次。亦略爲更正。至于篇目。則一概仍舊登錄。
- 一本志定名爲東明縣新志。故舊志所錄歷修各序。亦一概免載。
- 一本志與舊志並行。不悖。仿新舊唐書兩存之例。並無興廢存替之可言也。恐滋疑誤。並附聲明。

東明縣新志目錄

輿地志

經界 疆員 山川 堤堰 土質 風度

沿革 表附

古蹟 名稱附

物產 植物 動物

經制志

建置 城郭 鄉鎮 集市 村落 署廨 壇廟 橋梁 學校 倉庫

設官 表附

賦役 田制 丁戶 雜稅 雜差 附規 賦捐 振濟

黨政 黨務 行政 司法 自治

東明縣誌

卷之首 目錄

十

文獻

職官 封贈表 拜封表 佐治表

仕進 荐辟 科舉 選舉 武弁 學校畢業 中等學校以上

人物 鄉賢 忠義 名媛 人瑞 技藝 列女 儒術

藝文 制誥 策論 疏啓 附墓誌 傳記 表贊 序銘 祭文 詩賦 附歌行

民生

生活 衣食住行 婚育

生計 生產 分配 交易 消費

宗教 佛道 回耶 天主教

故實

典禮

風俗 歌謠 方言

兵事

災荒 水災 旱災 蝗災 風災 饑災 冰災 疫癘

金石

輅聞

大事記

東明縣誌

卷之首 目錄

十一

委員長兼總裁

副委員長

前任職在記署理東明縣縣長調升蓋城縣縣長江西豐城任傳藻
中國國民黨河北省直屬東明縣黨部執行委員李愛東
東明縣教育局局長穆五福

總纂

北京師範高等專門學校畢業清鄉生長垣原籍東明穆祥仲

分纂

河北省訓政學院畢業考試院給證處前任職城縣政府秘書科科長李振靈
河南省訓政學院行政班畢業河南泌陽縣公安局局長孟昭鐸
河南行政人員訓練所教育班畢業東明縣女子完全小學校校長胡謙訪
大名中學校畢業第三區區長李全義

東明縣誌

卷之首 職銜

十二

幫辦分纂

採訪

民國大學預科畢業第二區區長穆陸楓
中國國民黨河北省直屬東明縣黨部執行委員李愛東
公安局局長祝銘
財政局局長秦兆普
建設局局長孫玉琳
教育局局長穆五福
善後局局長范鴻昌
民衆教育館館長穆芸田
教育院院長范永祚
教育會幹事高子堅

東明縣誌

卷之首 職銜

十三

商會主席	農會主席	婦女協會幹事	保衛團團長	高小校長	鄉師校長	東明集高小校長	郭斌高小校長	王浩屯高小校長	第一區區長	第二區區長
穆陸榮	張秉鐸	倪秋榮	王華靜	常同仁	穆成平	吳際春	李振德	楊履謙	楊慶新	穆延齡

庶務主任	第三區區長	第四區區長	第五區區長	第六區區長	校勘				
李書田	李全義	耿泮水	劉榮昌	油玉珍	張乾	何帆張	劉玉岷	宋大修	范永祚

法政學校畢業
黃九思

東明縣教育委員
李江

彭松如


東明縣誌

卷之首

職銜

十四


河北省東明縣地圖




比例尺
 一厘米代表二公里
 一英寸代表三英里
 一公里代表二英里
 一英里代表一公里



東明縣城圖



文廟圖



東明縣新誌卷之一
輿地誌

經界

幅員
山川
堤堰
土質
星度

東明縣誌

卷之一
目錄

東明縣新誌卷之一

輿地志

吾國稽古建國已五千年唐虞以前豈乎尙已越自神禹區爲九州由夏迄周沿制未改漢唐以還若曰州郡若曰道路若曰行省雖名稱迭更而疆里犬牙之錯小大指臂之使則數千年來一轍同軌未之或易東明介河濟之間當魯衛之衝開化最早代鍾名人騫華大賢相率棲隱于漆上莊叟逸致逍遙作吏于斯土固也人傑而地自靈究之地靈而人斯至況乎非人無國非地無人居是邦也不知其幅員之廣狹山川之險易道路之均平與夫如何沿革有無古蹟物產何似可乎是以郡國誌乘罔不以輿地爲首屈而此次新誌之修仍援斯義焉作輿地誌

東明縣誌

卷之一
輿地志
經界

經界

人人積聚而爲村落村落積聚而爲郡縣郡縣積聚而爲國家無古今中外數千年大抵然也然而風俗有殊物產亦異南船北馬易之兩失宋斤魯斧遷地弗良甚至江南之橘可變爲枳燕客說郛徒貽人笑無他經界有以限之也東明東接鄆魯西毗汲滑而北近滑濮之郊南去夷梁不遠究之似鄆魯汲滑而非鄆魯汲滑也類滑濮夷梁而非滑濮夷梁也蓋東明自有東明之特性是以全志之修首以輿地而輿地則首以經界更于經界之中列節爲五曰幅員志廣狹也曰山川曰堤堰誌形勢也曰土質曰星度誌地之肥磽與其寒暖也庶幾觀之者瞭然指掌云作經界攷

幅員

東明在禹貢爲兗豫二州之域地介魯衛勢當河濟故大名府志特贊之曰東繕西漆古稱名勝而當北宋建都大梁之時大名則爲北都東明更當兩都之衝三路之會而華穀朱輪者所必經也宋楊侃皇幾賦云擁強兵衛近甸大郡雄藩爲屏爲輪者九縣東明其首也而縣舊志載云長堤捍其洪流巨津升爲沃壤宜乎復封疆之舊而著大邑之稱謹按其幅員之廣狹奈歷代以河決之故或存或廢時有損益無可詳攷只可以現在之道里準舊志之所載俾見真象而免虛偽

全縣幅員南北袤計八十五里東西廣計八十里縣城在全境中計之偏東北隅距舊府城即大名府二百二十里在其東南距南都陸路一千二百里距北都陸路一千三百里若以運河水路計則爲二十站

東鄰山東之荷澤至荷屬呂陵寺三十里爲兩縣畫界之處至荷澤城計六十里西鄰本省之長垣至屬舊城村計三十里爲兩縣畫界之處至長垣城計七十里

東明縣志 卷之一 幅員

南鄰河南之蘭儀至本縣屬杜勝集南寨門外計六十里爲兩縣畫界之處至蘭儀城計一百三十里舊志載蘭儀封界也爲一百里今則蘭儀合併乃以蘭儀城計其數多三十里

北鄰本省之濮陽至本縣司馬集迤北計二十五里爲兩縣畫界之處至濮陽城計九十里

東南鄰山東之定陶距該縣城計九十里

西南鄰河南之蘭儀距該縣城計一百三十里

東北鄰山東之濮縣距該縣城計一百五十里

西北鄰河南之滑縣距該縣城計一百二十里

此東明幅員之大概也論所屬則三省攷其鄰則八縣清季迄今省自爲制縣自爲規譬如病夫之身已苦身不使臂臂不運指遂致縣屬東南兩方之安危須視豫之儀魯之荷爲轉移西北兩方之治亂須視魯之濮本本省之垣濮爲比例矧以近年不備自爲制自爲規也竟爾因怨構兵戈操同室若魯豫交關東南爲必經之地南北稱兵大河

更綰穀之尤萬物遺助生民塗炭幅員雖猶昔也而憂樂迥殊治亂大異矣足徵幅員所在有關民生者鉅也

山川

東明當河濟介魯豫西距太行二百里而強東接秦晉四百里而弱平原大陸絕無所謂山者間有之邱阜類耳然或因人而顯或因事而著縱云山不高林不深而究有不可誣者姑述之于左

白雲山 山在縣東北二十里許本郊原平曠地也突起土山隆然高聳以每值平旦

白雲與山色相映風霞一片蔚然可觀遂以名之曰白雲云史稱漢留侯張良辟穀于東昏之白雲以爲卽此地故東明有白雲里附近有懷良村而白雲寺舊傳山前有張良洞只以大河之淤陷靡常僅餘荒煙蔓草求髣髴而不可得矣

按留侯辟穀處在陝南城固縣廣輿記言之綦詳而此處亦云然或者其又

東明縣志 卷之一 山川 龍光山 河流

一區乎矧侯高帝末年卽致仕不預朝事食邑千留卽卽今河南之陳留縣去東明不遠遊而樂之乃棲止焉亦事理中之應有者

龍光山

山在縣東南三十里許當時塋土爲墓形勢巍峨歷數百年迭經大河淤沒尙突然特起迥超平原迨至前清咸同間兩次大水始成平壤物之興廢蓋有數焉今縣屬之龍山集卽以是而得名也元時有鄉民曾見龍現于其上赤光閃閃直巖下電人大驚異後值歲旱往往相率禱雨于其旁且輟應故人亦呼爲龍掛山

河流

東明山陵既已無多而河流除黃河滔天巨浪歷爲民患外所餘如響子口賈魯河等亦類多或涸或廢故蹟難按今僅援舊誌所載參以現在情形分別列後俾閱者明乎今不泥乎古故先將涸廢各河列之而以黃河殿其後以期詳盡焉

響子口

口在縣西南二十里卽歷代黃河之故道也當時其流湍激聲聞數十里故

名今廢

濟河 河在縣南三里許當時與洪河合流故亦稱洪河蓋二水合流之會今已淤廢

按水經濟水出于王屋爲中國四瀆之一名曰沁水東流爲濟歷浪蕩渠經陽武封邱出東昏之故城北卽戶牖鄉也東過平邱之故城南又東過濟陽之南以城在濟水之南故名卽春秋時古武父地漢光武誕生處也自茲經宛句轉黃輿而出于陶邱北會汶水而入于海濟水之性與他水不同隱見顯常水在地中行故豫之濟源卽王屋山所在地也東明原爲濟陽亦以水見故耳今竟以黃河之決淤而涸迨至下游而復見于濟寧濟南亦屬一大異事

賈魯河 河在縣南斷頭堤距城六十里元季南北漕運所必由也至正間大司空賈魯所開故名當時自斷頭堤東北流入山東境今亦因黃河之變遷廢常而

東明縣志

卷之一

濟河 賈魯河 枯河 濮河

四

涸廢矣

枯河 河在縣南六十里杜勝集稍東南夾河內蓋黃河之支流也乾隆初卽涸故名曰枯河今則河形猶具

洪河 河在縣東南三里許當時至此地卽與濟水合流折而東注入于海已詳濟水條茲不贅惟查此水源出滑縣之衛南坡至此始與濟合每值秋水驟至自洪門村至十里鋪數十里俱患淹沒迭歲大凶擾萬歷末邑侯李公遇知率民夫督工開鑿而還洪水于故道民始安業此明季事也而今則與濟同涸矣

濮河 河在縣南五十里李六屯村遙南亦黃河之支流也禹貢云水自河出爲濮由西南之故黃河道而來自屯前遶向東北經范士屯前後復折之東南去入山東界乾隆時卽涸而迄今故道猶存

濮河 河在杜勝集西北由袁長營經袁旗營趙官營等村東北流與洪河合抵張

秋等處轉而入海原係濮河俗訛爲普河蓋音之錯誤耳本省之濮陽縣山東之濮縣皆緣此水而得名也而今亦涸廢矣

漆河 河在縣北門外玉帶橋下西自漆堤東北入洪河抵張秋轉入于海東明得名最古者卽此水莊叟爲漆園吏是也明清以來縣書院之名曰漆陽蓋亦本斯義今則涸廢矣

黃河 河源星宿經七千里而入海華北百川所匯生也其自砥柱狂瀾而下潰漏西浮邱東乃禹之故蹟漢決瓠子宋決六塔金決陽武明決黃陵皆集海內之物力而始畢是役則爲害固影響于全國矣而東明尤甚雖自賈魯改漕奪准入海浩蕩淹沒較之爲輕然以歷代編年攷之東明無二十年不被災之時斯民之逃亡陵谷之變遷固不困是良可慨也乃自清咸豐五年河決而復北由銅瓦箱口大溜直奔賈魯河其支溜則奪洪河漆河之道一片澤國汪洋彌望迨至七八兩年復由賈魯河折而北自李官營別開新河入曹

東明縣志

卷之一

漆河 黃河

五

州之七里河邊而東北行十一兩年復盡併入于洪河逼近縣城瀾漫巨浸而百姓幾無生人趣矣蓋以洪楊方張江南用兵英法內侵塞北蒙塵雖官設總河特派欽差而國帑不給遂致其魚同治二年秋水大至衝入縣城傷人畜壞官私廬舍不可殫述而大溜遂西徙十里餘由李連莊趨高村復折而東北行由黃莊劉莊始入山東之濮縣界每值伏秋水勢漲泛船突而來支派紛然油漆棧依然果魚蝦之腹者又十年及光緒建元山東巡撫平遠丁中丞寶楨親督荷澤之賈莊決口合龍後痛定思痛愆憂在抱遂咨會直隸總督合肥李相湘沅章會築黃河南岸大堤而全境數十年之大患始告減殺無如民國開闢內閣方殷誰暇及此堤內之灘田日淤愈高堤面之舊築日摧愈低因是民國六年七八月兩次堤決一由長垣屬之范莊一由本縣屬之黃堤集而下游所淹沒者盡爲東明境民國十年又決於黃堤集民國十二年三決于長垣屬之郭莊民國十五年十八年又數決于縣屬

下游之劉莊雖設官增堤究之不肯七年之病求三年之艾也乘國成者其多加之意也可

按東明所屬之河流無論存涸概如上列茲以潭渡溝渠等類附之

余家潭

潭在縣東十里北曰長潭南曰圓潭相去里許時相望也每值秋塘水滿江天一色之際遊其旁者甚多以為可人意今亦廢潭無存矣

黃陵渡

渡在縣東南八十里源深而形小至易傾也一遇秋霖輒泛濫平原潮浸四野讀之者罔不嗟奈何蓋以防之不可來之弗能也迨至咸同以後淤桑大變而此渡亦涸無須救而患平殆天工之所以為巧歟

杜勝集渡

渡在縣南六十里今淤廢

八里溝

溝在縣南孫家莊轉入賈魯河長止八里故名今淤廢

司馬渡溝

溝即荏河故道也康熙間已淤塞及乾隆十年大名府任宏業相度地勢以為可濟命開州知州張廷督修起公西集至韓家岡入漆河長一

東明縣誌

卷之一 余家潭

六

劉樓渠

十五里洩水而下當時人稱其便今為大河所奪更無蹟可覓矣

渠在縣西南劉樓渠南郊即咸同間黃河所經過者也現按其形勢係由該渠東北長垣縣屬之楊莊遂分為兩股北股由葛塔抵魚窩毛營至陳屯又分為兩股北股由小沙洲堆北至管寨入山東界南股由郝橋牛王廟韓樓入山東界至由楊莊原分之南股則折而東南由平岡營東明集東北馬主簿經五嶺崗前後入山東界此渠為最新亦為最大近年堤決泛溢多由之順而下洩雖收水涸之効而鄰渠各村民罔不視為畏學也

杜勝渠

渠由杜勝集至柳上分為兩股北股抵龍山集入山東界而南股亦旋入山東年而平衍一片不可辨識矣

黃莊渠

渠自黃莊經夾堤王許寺至張斗宏即入山東界

極南渠

渠由董莊呂溝等處抵金堤集即入山東界蓋強半為賈魯河之故道也

堤堰

嗚呼陵谷時變滄桑靡常明清間之溝渠已多半淤廢迨論古代不過大河常在則大患常存寒之彼者滑于此于民生無毫末補也倘如美人某之主張大河由砥柱而下盡為兩派一派仍沿元明間故事由宿徐會淮而入海一派仍還之漕河浮邱間復禹故道餘再多濬溝渠殺其勢而收其利則東明長垣等縣之大困沉疴或可有瘳否則民生之大憂未艾也偶誌及此直欲搔首一問蒼穹焉

東明數千年來受害最鉅者為黃河而大工大役亦即因之而興堤若堰是也漢修金堤以迄今日或故堤加厚或另築新坊爰以舊誌及近年新修各名稱依其年代先後次而列之俾資談河防者攷焉

東明縣誌

卷之一 余家潭 堤堰

七

護城堤 堤以護城者也故名蓋古代郭郭類耳東明城修于弘治初而堤亦即隨之以築周圍八里有奇純以土質寬兩丈高丈餘至萬歷十六年知縣朱

諸重修縣人副使韓文熙為之記載在縣誌藝文錄益稱堅固清順治七年河決荆隆城堤亦頽壞殆盡北關王帶橋亦沒入漆河致堤旁之水與河水合流來往弗通者累月

清康熙十年知縣楊日升重修玉帶橋復築城堤並植柳其上以期盤固及康熙六十年河決釘釘紅幫堤若橋復傾入河城外咫尺即為巨浸縣城無屏翰助矣

清同治三年因河患復建重修之議周圍計築一千六百丈底寬三丈頂寬一丈高一丈七年知縣楊培澤重修之頂則加寬二尺光緒五年知縣王家瑞又重修高加二尺頂加三尺底加一丈綜計三次修築底寬四丈頂寬一丈五尺高一丈二尺

按此堤之修迄今已七十年矣猶儼然在目者也風雨剝蝕不無侵削之虞而時值機攘對干城池尤具莫大之關係亟應時為修葺也

長堤

堤在縣南六十里杜勝集南關外西至長垣之西南東抵曹州界蜿蜒二百餘里堤鋪八十餘所舊志不詳創于何時大抵亦元明間是也明弘治間大名知府李增增修之堤在縣境者統計三十三里所經爲新口魏口玉皇廟劉皮口盤口杜勝集何二莊柳林九埠口胡廠十村始抵長垣屬之紙房集

明萬歷十五年河決荆隆經東明而東抵張秋將害清運詔遣給事中長居敬持帑金修補舊堤仰命知縣朱誥經理其事歲役計高一丈五尺寬兩丈置七鋪設夫看守旋奉詔以大名府通判東明縣丞專司之十八年知縣區大倫栽柳堤上計十四萬餘株根結堤固數十年特以無恐萬歷三十一年曹縣王家口將開新河山東巡撫黃某擬在河之上流築堤防潰時知縣常澄力陳不便遂中止僅于所屬長堤之三十三里內依時增修以杜水患尋由廳官謝某同縣丞賀成名用帑一千餘兩工夫一

東明縣志 卷之一 長堤

八

千四百餘名歲修之既而派夫六百名看守而總河某復檄修南北橫堤知縣常澄又力陳不可事復得寢

清康熙六十年河決釘紅幫歷長垣東明抵張秋又大爲運河害詔發帑重修而以河間府同治高鑑董其役計用土一十三萬八千六百三十八方費銀一萬六千六百三十六兩六錢三分高一丈六尺頂寬兩丈底寬八丈五尺較前大爲堅固

堤柳自知縣區大倫創植之于前康熙間楊知縣日升復補之於後既護堤根又陸行人固盛德事也只以當時密邇杜勝營兵士之樵採任意遂致植不勝伐日見枯敗在乾隆間已嗟奈何矣

按河決銅瓦爲咸豐五年迄今已八十載滄桑既變堤已頽圯現雖蜿蜒可指而若斷若續一望而知爲陳物也所惜當民國十五十六等年魯豫交關之時徒資軍閥者相爭之地勢尤不禁太息焉

金堤

堤在縣東南七十里西接黃陵岡東接小張家灣乃明時黃河分派決溢之地弘治間劉忠宣公大夏督修大堤兼飭大名知府李增修築凡二百里當時設巡檢一員專司護守清雍乾間已爲廢物而今只餘蜿蜒之勢縣云村有金堤頭者以是得名

海頭集堤

堤在縣東北二十里海頭集附近故名明嘉靖四十二年修當時爲備漆河洪河泛濫始修是堤今水既涸而堤亦圯矣

漆堤

堤在縣西十里許專備漆水之泛濫者故名俗訛爲七堤謂堤長七里也誤矣今已廢圯

孟華堤

堤在縣南二十五里柳園店村里許蓋因明時許城縣有孟華潭每屆伏秋水漲由滑縣南偏東北注入衛南坡轉而東漫衍于東明境然後入山東界其堤東抵山東西至滑南綿亘三百里乃以潭名其堤者今許城併入延津潭亦淤墊無遺而堤亦隨之矣

東明縣志 卷之一 金堤

九

斷頭堤

堤在縣南七十里乃前敘長堤之支派也截其首故名斷頭云今廢杜勝營堤堤在縣南六十里杜勝集迤北明嘉靖十三年管河通判陳萬言奉命增修者其里數起止舊志闕如今亦不得而詳也堤已廢

大堤

堤在縣南六十里杜勝集東西自河南之許城起歷長垣東明入山東之曹縣單縣又東而至江蘇之徐州界凡數百里此乃明弘治間河決黃陵孝宗特命劉忠宣大夏督兵夫數十萬而修築者也堤形高且寬屹然保障河不爲民害者垂數十年首輔少師劉文靖健刊石紀之今堤尚蜿蜒可指然亦續斷有間矣

夾堤

堤在長堤之北大堤之南故名其修築年月起止里數均未載無由攷也故略之想亦圯矣

按上列各堤多半備黃河之患若孟華潭漆河堤蓋其小者耳黃河既已改道堤防自應另築而歷代竭全國物力以版築者遂并塊視之則黃